

中國方志叢書·華南地方·第一七四號

據

清馬呈圖纂輯
民國二十七年重刊本

影印

廣東省

宣統高要縣志

(五)

成文出版社有限公司印行

204406

中國方志叢書·華南地方·第一七四號

據

清馬呈圖纂輯
民國二十七年重刊本

影印

廣東省

宣統高要縣志

(六)

524/06
成文出版社有限公司印行

宣統高要縣志卷二十四

金石篇三 清

縣人鄧元勳周承誥初纂梁清平覆訂

清

棲鳳漫題

七言絕句不錄

案右李棲鳳詩行書在石室大巖景福二字前棲鳳順治十五年兩廣總督

七星洞天 大清順治歲次庚子季春閩山李□書

案右七星洞天大字正書在石室巖外

棲老和尚塔銘

文不錄

順治十七年歲次庚子孟秋佛歡喜日東官龍灣逸叟李覺齋

頓首拜撰

案右棲壑和尚塔銘正書在頂湖山慶雲寺後其序棲壑爲順德柯氏子年十七

從碧崖蘿髮侍憨山於寶林復遍叩諸方辛未歸廣州越明年住白雲蒲潤乙亥

冬尋六祖故址於新州至廣州弟子在摻請入鼎湖既往新州還蒲潤丙子夏乃

辭蒲澗入鼎湖順治戊戌示寂云

虛懸斗極 康熙壬寅初夏吉旦閩山侯襲爵題併書

案右虛懸斗極大字行書在石室巖外虛字又似星字以石泐剝損不可辨又無
編證姑兩存之

□別有天 康熙壬寅秋暮 遼左盧崇峻題併書

案右盧崇峻題名行書在石室巖口崇峻康熙間兩廣總督

康熙己未夏日知肇慶府事漢南張京銓題 七言律詩
二首不錄

案右張京銓詩行書在石室大巖

康熙壬戌小春九日粵東雷州守三晉馬生麟潮州守金陵林和學惠州守三韓馬應奎瓊州守三韓佟湘年韶州別駕武昌吳□同遊泐石以紀寅誼登臨之勝 □僧

山書

案右馬生麟題名正書在石室巖外

康熙癸亥仲冬十有九日江都吳綺園次秀水吳源準菴海鹽曹燕懷石園順德蘇恭尹元孝嘉善蔡鴻逵去聞嘉興繆其器受茲嘉善柯崇樸寓匏凡九人分韻賦詩于星巖之上翌日南海梁佩蘭藥亭番禺屈大均翁山江都吳潛壽彤凡三人繼至囑和晉菴主僧寂眞際出石室志請共商訂觀察鄞州韓公作棟公吉因授諸梓嘉會聯常盛事不朽題名石壁與此山并存云爾

案右吳綺題名八分書在屏風巖扶欹臺上石壁綺又有詩刻在石室大巖

小千尺峽 番禺屈大均

案右小千尺峽四字行書在屏風岩含珠逕口大均別有康熙癸亥與吳綺等題名在岩壁此當同時刻廣東新語謂屏風岩峻石夾立中通小徑類華山之千尺峽因名之小千尺峽卽此也

玉屏 此峯之勝甲於星岩絕巘爲帝庭所謂玉屏者也眞際上人顏題水起書皆康熙癸亥十二月朔

案右玉屏二字行書在屏風岩

洗硯亭記 端之郡列峯環繞盤柳澗賀諸江匯於端溪羚羊峽礦硯絕天下而城西一峰孤立峨然如端人正士相傳以爲端山是也下視群山如几案間物江流涵泓渟浴其趾水石相搏風動有聲固柳氏所謂漱滌萬物牢籠百態者吾家兄兆周久以文行爲時輩倡端人士輒以山之觀舍爲學舍群受經焉十年於茲矣觀左小澗源潔流清涓涓少息時師徒每濯硯其中癸亥冬遂共構小亭顏曰洗硯所以志也予惟古之人心有所觸理有所益杖小器且謹書以示不忘又况敦學所萃處歲時所閱歷據江山之勝致所以淘汰其素染磨濯其靈府揮洒其文心胥於是焉而其愛而戀戀而思傳也或曰鹿洞鵝湖他無遺獨臨川墨池右軍書學耳奚以亭爲予謂不然後之視今今之視古也東西銘戶牖題辭佩者次於經傳豈必以其事哉且心無觸發學問皆成陳跡端緒興起耳目適逢源也是山勝概日有登覽而星岩點翠江漲排雲霜空定岫水落峽枯風濤之噴薄帆檣之出沒城郭烟村之明晦無不足以導性怡情發靈抒

慧此心此理古今無不同然者登此亭也可臨流而悟拭硯而賦矣甲子夏五月南
平梁達才文振氏謹記

案右梁達才洗硯亭記行書在城西圭頂山元真觀亭廢兆周名鳳來縣人康熙
五十九年副貢甲子康熙二十三年也

鼎湖山慶雲寺鐵塔浮圖釋迦如來舍利緣起

文不錄

皇清康熙廿六年丁卯僧自泰日

沙門傳諲立石

案右慶雲寺舍利緣起行書在頂湖山慶雲寺畧云本山鐵浮圖所藏四顆由音
耶舍尊者入定西域見神州瑞氣貫天知有勝地尋跡江右匡廬得金輪峯遂還
請三瓶至此葬而塔之後塔圯重修掘破一瓶人因奪取慈山大師得數顆棲和
尚又得四顆于慈之門人順治丁酉奉瘞鼎湖捐衣鉢資建之殿上崇塔以鐵康
熙癸亥比丘覺興圓捷募重新之

余受命填撫嶺南其明年八月既望以攝制府事持兩節蒞端州公廨內有高閣可以

眺遠遙望七星岩若臥若立若拱若揖若若匿烟雲明滅朝夕變幻一對之悠然
神往始至公務空集文書填委未暇命駕越二十餘日事舉其綱吏循其職人安其業
乃于九月九日率文武諸屬吏遊焉其岩離立澹湖之上山容入水波光射壁爭奇鬥
惟各自爲狀陡立千仞如神剗如鬼削色如積鐵後有高山如屏前有平田如案陽崖
翠津陰壑迴互徑路塊圯洞穴窈窕石之垂者或爲星或爲蓮花竅者或爲鼓或爲麝
栗其他瑰異之在幽迴者不可勝數游歷□倦于是憩息乎崧臺徜徉乎□月之宮布
席于陽坡賦詩較射盡極歡而罷自念處逢盛際天子執契握符治化翔洽粵東西
數千里而遙夕烽已息鏡海無波且荷天之休時和年豐僚佐克諸軍民胥樂而余得
與諸君子於王事之暇爲山澤之遊詠歌飲射于此何其樂也何其幸也因各題名於
石以志來遊之歲月焉高唐朱弘祚題 康熙二十九年歲次庚午夏四月吉日肇慶
府知府李彥瑁謹勒

按右朱弘祚題名正書在石室岩外

鼎湖山在揀禪師塔銘并序

文石錄

大清康熙三十年歲次辛未冬十月吉日賜進士

出身翰林院庶吉士南海梁佩蘭譔文賜進士第翰林院檢討前翰林阮庶吉士順德鄭際泰篆額羅浮布衣陳恭尹書丹

按石梁佩蘭在揀禪師塔銘八分書在鼎湖山序畧稱在揀爲新會朱氏子園壇經有感遂失志參學至廣利交陳清波梁少川輩時少川有卜地警夢事遂舍鼎湖山地與之乃創立精舍時崇禎癸酉也甲戌禮棲壑於蒲澗薙染受具旋延棲壑住鼎湖已則度嶺而北至杭依雪關順治戊戌繼棲壑席丙寅五月二十二日示寂塔全身於鼎湖山慶雲寺之右

辛巳菊月端江都尉吳聯題

四言韻語不錄

按右吳聯題句行書在石室巖前聯別有聊堪共語四字刻屏風巖歲月亦無記元城西梅菴有康熙間肇慶協鎮吳聯重修佛殿碑此稱都尉當卽其人辛巳則康熙四十年也

大司馬石公總制兩粵之十有二年山海寧謐文武□□公之久□化成也兩粵兆

庶感公□德末山報達乃創講院於七星巖之上致其頌禱俾公永永奠鎮如古召公

之分犬馬麟等備員部曲逢斯盛舉因相與額手作頌磨崖勒銘不朽頌詞不錄時康熙

庚辰冬十一月越長至四日兩廣中軍副將□閩林兆麟肇慶協副將閩中吳□春江

協副將虞山錢嘉左營參將浙東李鳳右營參將燕山劉章前營參將三韓蘇已□後

營參將廣陵楊□水師營參將□山袁廷芝戊子副將山左門秀奇都司李世永守備

缺黃□□梁□□何十九□用正魏□英左都督蔡元章仝稽首拜頌

按右石總制功德頌正書在石室岩外石總制卽石琳也

辛巳之年昏墊汗漫大士尋聲救苦救難蓮座特成拯民塗炭我民皈依永登彼岸

康熙歲次壬子春季三日賜進士第文林郎知高要縣事景日眇虔奉督造施裕陸應

琦蘇如暉住持僧今誌

按右景日眇題識正書在石室大岩辛巳康熙四十年是歲五月大水附城景福

園決日眇奔救施賑前後著勞績誥並紀實也日眇別有南山有臺景行仰止大
字刻巖外

康熙歲次壬午桂月吉旦度建大士前韋馱金剛石像二尊勒名以記 兩廣後營參
將署高雷廉總兵官事左都督楊釗率男治湘具

案右楊釗題名正書在石室大岩

甲戌四月臨董其昌詩

詩不錄

案右聖祖臨董其昌詩行書

御書凱旋詩扇一柄朕凱旋時所作詩因萬幾之暇偶書於扇賜卿閩地濕熱此扇之
清風可以解之

詩不錄

御書舊扇一握康熙乙酉春月賜江南松江府同知郭朝祚

詩不錄

案右聖祖凱旋詩草書方幅一便面四

端方 淨石齋記

文不錄

大觀元年夏五月重錄一過感慨繫之矣米芾

案右聖祖臨米芾書上列二大字正書下一段行書

唐句

詩不錄

臨董其昌

詩不錄

案右聖祖臨董其昌書行書

閨門舟中戲作米芾

詩不錄

駐蹕閨門舟中臨

案右聖祖臨米芾詩行書

岳牧之任

案右聖祖岳牧之任四字正書以上六刻在閱江樓康熙丙戌總督郭世隆摹勒

上石有跋在側聖祖書共十九刻舊志以宸翰故備錄全文以書賜年月爲次置

諸篇首然其詩文多爲習見之作卽御製各詩亦無關掌要茲併畧之以勒石年

月爲次

重修鼎湖山慶雲下院憩菴碑記

文不錄

康熙四十六年歲次戊子仲秋穀旦賜進士

出身奉政大夫欽差廣東分巡肇高廉羅道按察使司僉事加三級天中丁易拜撰鄉

進士邑人黃日旭篆額西樵關熙書丹古番岑立鐫石

案右丁易重修鼎湖山慈菴碑記行書在菴壁畧云山下十里有一下院凡往來

茲山者率於下院駐足先是善信李芝木捨地一畝分厘爲院基慶雲常住募置一畝分厘營建堂宇日久傾頽因重新之使遊客一切車騎杖笠停頓憩息于此

秋興賦

文不錄

孟頫 康熙甲子孟春臨 康熙二十八年皇上巡幸浙江行在賜臣

趙宏燦恭摹勒石

案右聖祖臨趙孟頫書行書

樂善不倦 康熙三十八年皇上巡幸浙江於行在賜臣趙宏燦恭摹勒石

案右聖祖樂善不倦四字行書

杜少陵詩

詩不錄

元豐二年孟秋既望書襄陽米芾 康熙三十八年皇上巡幸浙江

于行在賜臣趙宏燦恭摹勒石

案右聖祖臨米芾書杜詩行書

臨其昌

詩不錄

康熙三十八年皇上巡幸浙江於行在賜臣趙宏燦恭摹勒石

案右聖祖臨董其昌書行書

天馬賦

文不錄

壬子冬十二月臨董其昌 康熙四十二年皇上巡幸浙江于行在賜臣

趙宏燦恭摹勒石

案右聖祖臨董其昌書天馬賦行書

虎跑泉

詩不錄

康熙四十二年皇上巡幸浙江于行在賜臣趙宏燦恭摹勒石

案右聖祖虎跑泉行書

雲裏帝城雙鳳闕雨中春樹萬人家 康熙四十二年皇上巡幸浙江于行在賜臣趙

宏燦恭摹勒石

案右聖祖書王維詩句行書

永思 康熙四十二年皇上巡幸浙江于行在賜臣趙宏燦恭摹勒石

案右聖祖永思二字行書以上八刻在端溪書院揆天閣端溪書院志云康熙四

十七年總督趙宏燦建天章書院於今所前爲講堂上爲天章閣又名揆天閣
恩賜御書于上則諸刻當同時所勒

康熙己丑夏新都程化龍題

五言律
詩不錄

案右程化龍詩行書在石室大岩

秋朝重過七星岩有感

五言律
詩不錄

南海樵圃梁佐台佐題康熙甲午季秋八日勒石

梁書丹

案右梁佐詩行書在屏風岩扶欹臺壁上

詠梅百首 余性愛梅花雅慕羅浮庾嶺之勝癸巳秋度嶺恨不逢花時咫尺羅浮又

未能一往夢想神馳靡日不快快於中乙未王正臆盡春回正當梅候悶坐一室因憶

梅花佳勝遂成百詠聊以抒寫幽懷非敢唐突仙葩也

七言絕
句不錄

是詩作于大清康熙

乙未仲春而端署梅花書屋適成植梅正盛與同志朱玉章陸素安李士端周補臣陳

皇士謝紫佑朱丹書陳樹滋廷望顧企賢陸正叔徐育藩管書城楊仲高霍璧章諸子

觴詠其中爰書百詠於壁子益命丁鐫石惟冀後之君子錫以和章不更增勝事歟山左觀察使長洲宋廣業題并書

案右宋廣業詩正書在頂湖山慶雲寺壁跋稱書于端署梅花書屋壁子益命工鐫石不知何以在今所益卽宋志益爲廣業子也康熙五十二年守肇慶

春幸詩詩不錄康熙五十六年二月賜兩廣總督臣楊琳

案右聖祖春幸詩正書

殿邦炎州 康熙丁酉春賜臣兩廣總督臣楊琳

案右聖祖殿邦炎州四字正書

題蘭句不錄西銘文不錄朕所書太極圖說西銘不止數百今丁酉仲春南旋舟中頗

暇故又書以示所好 康熙丁酉仲春賜臣兩廣總督臣楊琳

案右聖祖書西銘行書前刻便面一以上三刻在端溪書院今亡琳康熙五十六年總督書堂刻于任內

今上御極之二十有六年丁卯冬先大夫由直隸參藩蒙恩特簡巡撫粵東持節蒞任越二年己巳秋攝制府篆移駐端州三月閱公事之暇曾登茲岩題名於壁歷今二十九載矣絳謏稟先訓承乏銅仁謬叨卓薦三覲天顏復荷寵命觀察嶺西重遊其地山容似舊手澤如新瞻仰再三倍深孺慕兒子崇義崇謨崇端載筆硯以從請書來遊數月爰紀聖天子高厚之恩兩世欽承異數允宜昭示無窮而先大夫之功德在粵久聞彌永與茲岩並峙千古俾絳復得附名於後尤厚幸焉

案右朱絳題名正書在石室岩外朱弘祚題名下年月姓氏爲岩溜泐去不可覆覩二十六年丁卯與康熙歲次相符考府志聖祖朝諸道以絳名者有朱絳五十五年任山東單縣人此叙服官年月勘之弘祚一刻亦可互証絳當卽弘祚子惟著籍不同豈志偶誤耶

鼎湖山慶雲寺補山亭記 範金爲器不能使其卽器也補其缺而器完矣斲木爲輪不能使其卽輪也補其缺而輪合矣南閣浮提爲缺陷世界中間都邑宮觀之壯衣冠